

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Siunnersuummi utoqqalinersianut tapinut ilanngaataa 100.000 koruuninik annertusineqarnissaat kiisalu appariartortitsinermi procentip annikillisinneqarnissaa siunertaavoq. Utoqqalinersiaqartoq nammineq aningaasarsioraluarpalluunniit ilanngaatip annertussusaa utoqqalinersiat annikillineqannngitsutut annertussuseqarpoq. Appariartortitsinermi procenti tassaavoq utoqqalinersiat annikillineqarnerini procenti aaqqiissutissaq. Annikillisisiartuaarnermut procenti appartinneqarpat, isumaqarpoq pensionisianut tapit qaqugukkut tamakkiisumik annikillineqarnissaanut killigititaq kinguartinneqassasoq. Pensionisianut tapit aatsaat tamakkiisumik annikillisinneqareerpata, toqqammaviusumik aningaasartaat appartinneqassapput. Taamaattumik toqqammaviusumik aningaasartaasa ilanngaataat aallaqqaataani 221.111 koruuniusimasunit 368.286 koruuninut qaffanneqassapput, taamatut pensionisianut tapit tamakkiisumik annikillisinneqareerpata toqqammaviusumik aningaasartaat aatsaat apparneqassapput. Appariartortitsinermi procenti kisimiittunut 45 procentimit 35 procentimut appartinneqassaaq, aappariinnut 30 procentimit 22 procentimut, aamma utoqqalinersialimmut utoqqalinersiaqarsinnaatitaannngitsumik aappalimmut, aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiaqannngitsumut, ukiumut katillugu 300.000 koruunit sinnerlugit isertitaqannngitsumut 53 procentimit 51 procentimut appartinneqassaaq.

Siunnersuutip kingunerissavaa, utoqqalinersiat aamma pensionisiat ilanngunnagit Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu kisimiittoq aatsaat ukiumut 156.000 koruuninik isertitaqaraangat, aappaqartorlu ukiumut 183.000 koruuninik isertitaqaraangat utoqqalinersiani tapit aatsaat annikillisinneqartassasut. Tamatuma saniatigut aalajangersakkat kingunerissavaat utoqqalinersianut tapeq ilanngaateqalissasoq kisimiittumi isertitat tunngavigineqartut 35 procentiannik, aappariinni isertitat tunngavigineqartut 22 procentiannik.

§ 5, imm. 2 malillugu utoqqalinersianut tapit ukiumut katillugit isertitat aallaavigalugit nalimmassarneqassapput, taamaattorli 300.000 koruunit qulaallugit utoqqalinersiat, aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu pensionit ilanngunnagit. Inummik utoqqalinersiaqarsinnaatitaannngitsumik aappaqartumut, isertitanut annerpaamut killigititaq taamaalilluni 300.000 koruuninut

qaffanneqassaaq. Utoqqalinersianut tapit, Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat pensionisiallu ilanngunnagit, isertitanit toqqammaviusumik aningaasartaat 51 procentimik, kr. 183.000-nik ilanngaaserlugit, annikillisinneqassapput.

Utoqqalinersiaqartoq inummik utoqqalinersiaqarsinnaatitaanngitsumik aappaqartoq, aappariillu ukiumut katillugit 200.000 koruunit ataallugit, Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat pensionisiallu pinnagit, isertitaqartarpata.

Toqqammaviusumik aningaasartaat ilanngaateqassapput, utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat ilanngunnagit, utoqqalinersiaqartumut kisimiittumut aappaqartumullu ukiumut isertitat maanna atuuttut kr. 368.286-iuppata.

Taava toqqammaviusumik aningaasartat, isertitaasa tunngavigineqartut 40 procentiannik ilanngaateqassapput.

1.1 Siunnersuutip tunuliaqutai

Utoqqalinersiaqarneq pillugu Inatsisartut inatsisaat nr. 20, 23. november 2015-imeersoq 1. januar 2016-imi atuutilerpoq. Aaqqissuusseqqinnermi anguniagaq ilaatigut suliffeqarnermit pensionisianut, pensionisiaqalernissamut aaqqissuusinnermut nammineq akilersukkanut aamma pensionisiaqalereernermi suliffeqarfinnut suli attaveqarnissamut kajumissaarinikkut pitsanngorsaasunik suliniutinik ilaneqarpoq. Siunnersuummi matumani kajumissaarineq taanna patajaallisarniarneqarpoq.

Ullumikkut utoqqalinersiat nammineq aningaasarsiat qaffakkiartornerat malillugu annikillineqartarput. Tamanna isumaqarpoq, koruunimik akissarsiaqaraanni akileraaruteqarlunilu ilutigittillugu inuup utoqqalinersiai annikillilerneqassapput. Taamaattumik utoqqalinersialinnut suliiinnarniartunut imaluunniit utoqqalinissamut sipaagaqarniartunut aningaasatigut iluanaarutaasinnaasoq killeqarsinnaavoq.

Utoqqalinersiaqartut suliffeqarfimmii ginnarnissaannut aningaasatigut kajumissaarut qulakkeerniarlugu, siunnersuutikkut ilanngaate annertusineqarpoq, taamaasillunilu utoqqalinersianut tapinut aamma toqqammaviusumik aningaasartaanut tunngatillugu nammineq aningaasarsiat qaffakkiartorneranni qanoq ilineratigut annikillisitsiartuaarnermi killissaq allanngortillugu. Appariartortitsineq, inatsimmut maanna atuuttumut naleqqiullugu, imatut annikillineqassaaq, utoqqalinersiani aningaasartat annertussusaat annikillineqarlutik, ilanngaatit “tamakkiisumik atorneqareernerisigut” aamma annikillissallutik. Taamaasilluni siunnersuut tunngavigalugu utoqqalinersiaqartoq nammineq aningaasarsiaqartarnermini utoqqalinersiami annertunersai pigiinnarsinnaavai.

2. Siunnersuutip immikkoortui pingaarnert


Kisimiittumut pensionisianut tapeq siunnersuutip appariartortitsiner mi procenti 45 procentimiit 35 procentimut appartissavaa. Utoqqalinersialinnut aappaqartunut pensionisianut tapeq appariartortitsiner mi procenti 30 procentimut 22 procentimut appartissavaa.

Utoqqalinersiaqartoq inummik utoqqalinersiaqarsinnaatitaanngitsumik aappaqartoq, § 5, imm.2 malillugu utoqqalinersianut tapinik pisinnaatitaasup isertitaanut annerpaamut killigittitaq taamaalilluni 200.000 koruuninit 300.000 koruuninut qaffanneqassaaq.

Utoqqalinersianut tapinik taakkuninnga appariartortitsineq 53 procentinit 51 procentinut appartinneqassapput.

Toqqammaviumik aningaasartaat appariartortitsiner mi procentia 50 procentimut 40 procentimut appartinneqassapput.

Utoqqalinersialinnut kisermaanut aamma utoqqalinersialinnut aappalinnut pensionisiat tapinut aamma toqqammaviumik aningaasartaanut ilanngaatiq annertussusaa siunnersuummit annertusineqarpoq, takussutissaq ataaniittoq takuuk. Taamaaliornikkut utoqqalinersiat annikillineqartinnagit utoqqalinersiallit isertitaqarsinnaanerulerput. Toqqammaviumik aningaasartaanut aamma utoqqalinersianut tapinut utoqqalinersiani aningaasartat taamaaginnassapput.



Inatsisissatut siunnersuutip inatsimmut atuuttumut sanilliunneqarnera	
<i>Oqaasertaliineq atuuttoq</i>	<i>Inatsisissatut siunnersuut</i>
	<p style="text-align: center;">§ 1</p> <p>Utoqqalinersiaqarneq pillugu Inatsisartut inatsisaanni nr. 20, 23. november 2015-imeersumi, Inatsisartut Inatsisaatigut nr. 24, 7. december 2015-imeersukkut aamma Inatsisartut inatsisaatigut nr. 6, 2. juni 2017-imeersukkut allanngortinneqartumi imatut allanngortitsisoqassaaq:</p>
<p>§ 5, imm. 2 <i>Imm. 2.</i> Utoqqalinersiaqartut utoqqalinersiaqanngitsumik aappaqartut utoqqalinersianut tapeqassapput utoqqalinersialimmut kisimiittumut tunniunneqartumut annertussuseqartumik, utoqqalinersiaqartoq aapparisaatalu isertitaat maanna atuuttut ukiumut katillugit kr. 200.000-t ataallugit isertitaqarpata. Utoqqalinersianut tapeq utoqqalinersiallip aappaatalu isertitaanit toqqammavigineqartunit 53 procentimik appartinneqassaaq kr. 83.000-inik ilanngaaserlugit.</p>	<p>1. § 5, <i>imm. 2</i>, imatut oqaasertalerneqassaaq: ” <i>Imm. 2.</i> Utoqqalinersiaqartut inummik utoqqalinersiaqarsinnaatitaanngitsumik aappaqarlutik inuusut, utoqqalinersianut tapisiaqartinneqassapput utoqqalinersialimmut kisimiittumut tunniunneqartut annertoqataannik, utoqqalinersiaqartoq aapparisaalu ukiumut katillugit 300.000 koruunit ataallugit, Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiallu pinnagit, isertitaqartarpata. Utoqqalinersianut tapit utoqqalinersiallip aapparisaatalu isertitaanit toqqammaviusumik aningaasartaat 51 procentimik, kr. 183.000-nik ilanngaaserlugit, annikillisinneqassapput.”</p>
<p>§ 9, imm. 2 <i>Imm. 2.</i> Toqqammaviusumik aningaasartat ilanngaateqassapput, utoqqalinersiaqartup ukiumut isertitai maanna atuuttut, utoqqalinersiat aamma Inunnut Isumaginninnikkut isumannaallisaaneq pillugu Nunat</p>	<p>2. § 9, <i>imm. 2</i>, imatut oqaasertalerneqassaaq: “ <i>Imm. 2.</i> Toqqammaviusumik aningaasartaat ilanngaateqassapput, utoqqalinersiaqartup ukiumut isertitai maanna atuuttut, utoqqalinersiat aamma Inunnut Isumaginninnikkut</p>

<p>Avannarliit isumaqatigiissutaat malillugu utoqqalinersiat ilanngunnagit, kr. 221.111 qaangerneqarsimappata.</p>	<p>isumannaallisaaneq pillugu Nunat Avannarliit isumaqatigiissutaat malillugu utoqqalinersiat ilanngunnagit, kr. 368.286 qaangerneqarsimappata.”</p>
<p>§ 9, imm. 3 <i>Imm. 3.</i> Isertitanit toqqammavigineqartunit utoqqalinersiat toqqammaviusumik aningaasartaat 50 procentimik annikillisinneqassapput, tak. imm. 2, kr. 221.111-inik ilanngaaserlugit.</p>	<p>3. § 9, <i>imm. 3</i>, imatut oqaasertalerneqassaaq: “<i>Imm. 3.</i> Isertitanit tunngavigineqartunit utoqqalinersiat toqqammaviusumik aningaasartaat 40 procentimik annikillisinneqassapput, tak. imm. 2, kr. 368.286-inik ilanngaaserlugit.”</p>
<p>§ 10, imm. 2, nr. 1 1) Utoqqalinersiaqartumut kisimiittumut kr. 56.000.</p>	<p>4. § 10, <i>imm. 2-mi, nr. 1</i>, imatut oqaasertalerneqassaaq: “1) Utoqqalinersiaqartumut kisimiittumut kr. 156.000.”</p>
<p>§ 10, imm. 2, nr. 2 2) Utoqqalinersiaqartumut aappaqartumut kr. 83.000, tak. § 5.</p>	<p>5. § 10 <i>imm. 2-mi, nr. 2</i>, imatut oqaasertalerneqassaaq: "2) Utoqqalinersiaqartumut aappaqartumut kr. 183.000, tak. § 5.”</p>
<p>§ 10, imm. 3 <i>Imm. 3.</i> Utoqqalinersianut tapeq ilanngaateqassaaq isertitat tunngavigineqartut 45 procentiannik , tak. imm. 2, kisimiittumut ilanngaatigalugit kr. 56.000 aamma isertitat tunngavigineqartut 30 procentiannik utoqqalinersialimmut aappaqartumut ilanngaatigalugit kr. 83.000, tak. § 5.</p>	<p>6. § 10, <i>imm. 3</i>, imatut oqaasertalerneqassaaq: ”<i>Imm. 3.</i> Utoqqalinersianut tapeq ilanngaateqassaaq isertitat tunngavigineqartut 35 procentiannik , tak. imm. 2, kisimiittumut ilanngaatigalugit kr. 156.000 aamma isertitat tunngavigineqartut 22 procentiannik utoqqalinersialimmut aappaqartumut ilanngaatigalugit kr. 183.000, tak. § 5.”</p>
<p>§ 15, imm. 1, nr. 1 1) Meeqqanik inuusuttunillu ikiorsiisarneq pillugu inatsisartut peqqussutaat malillugu meeraq angerlarsimaffiup avataanut inissinneqarsimappat imaluunniit pisortanit tamakkiisumik</p>	<p>7. § 15-imi, <i>imm. 1-imi, nr. 1</i>, imatut oqaasertalerneqassaaq: ”1) Meeqqanik inuusuttunillu ikiorsiisarneq pillugu inatsisartut peqqussutaat malillugu imaluunniit Meeqqat tapersersorneqarnissaannut Inatsisartut inatsisaat malillugu meeraq</p>

pilersorneqarpat.	angerlarsimaffiup avataanut inissinneqarsimappat imaluunniit pisortanit 100 procentimik pilersorneqarpat.”
	§ 2 Inatsisartut inatsisaat inatsisip tamanut saqqummiunneqarnerata aqaguani atuutilissaaq, taannalu 1. januaari 2020 aallarnerfigalugu utoqqalinersiat tunniunneqartarnissaannut atuutsinneqassaaq.

3. Pisortanut aningaasaqarnikkut aamma allaffissornikkut kingunerisassai

Ilanngaatip qaffaavigineqarnerata annikillisisiartuaarnermullu procentip apparneqarnerata malitsigisaanit utoqqalinersianut aningaasartuutit ukiumut katillugit 23,7 mio. koruuninik amerlissasut Aningaasaqarnermut Naalackersuisoqarfiup naatsorsorsimavaa. Utoqqalinersianulli pisortat aningaasartuutaasa ilaat akileraarutitut pisortat missingersuutaannut uterteqqinneqartassapput. Taamaasilluni ilannaaseereerluni aningaasartuutit 13,5 mio. koruuninut missiliorlugit naatsorsorneqarput.

4. Inuussutissarsiutinik ingerlatsisunut aningaasaqarnikkut aamma allaffissornikkut kingunerisassai

Siunnersuut inuussutissarsiutinik ingerlatsisunut aningaasatigut allaffissornikkullu toqqaannartumik kinguneqassanngilaq.

5. Avatangiisinut, pinngortitamut inuillu peqqissusaannut kingunerisassai

Siunnersuut avatangiisinut, pinngortitamut imaluunniit innuttaasut peqqissusaannut kinguneqassanngilaq.

6. Innuttaasunut kingunerisassat

Siunnersuutip qulakkiissavaa, utoqqalinersiallit amerlanersaasa nammineq aningaasarsiaqartarnermini utoqqalinersiamik annertunersaat pigiinnarsinnaagaat. Tamanna utoqqalinersiat saniatigut akissarsiorfeqarnissaannut kajumissaataassaaq.

7. Kinguneqaatit annertuut allat

Siunnersuut annertuunik allanik kinguneqartitsissanngilaq.

8. Tusarniaaneq

Siunnersuut piffissami 17. april 2019-imit ulloq 15. maj 2019-imut Naalackersuisut

tusarniaanermi nittartagaanni tamanut saqqummiunneqarsimavoq ugguuna
www.naalackersuisut.gl.

Siunnersuut piffissami 17. april 2019-imit ulloq 15. maj 2019-imut tusarniaavigineqartartunit tusarniaassutigineqarsimavoq. Tusarniaanermut akissutit missingiutip imarisaanut tungassuteqartut pillugit oqaaseqaatitallit imai allannngortinnagit tamakkerlugit ilanngunneqarsimapput, naalackersuisoqarfiullu oqaaseqaatai uingasunik allanneqarsimapput.

Nalunaarummut missingiut ukununnga tusarniaassutigineqarsimavoq:

Naalackersuisut Siulittaasuata Naalackersuisoqarfia, Pinngortitamut Avatangiisinullu Naalackersuisoqarfik, Aningaasaqarnermut Naalackersuisoqarfik, Ineqarnermut Attaveqaqatigiinnermullu Naalackersuisoqarfik, Nunanut Allanut Naalackersuisoqarfik, Aalisarnermut, Piniarnermut Nunalerinnermullu Naalackersuisoqarfik, Peqqissutsimut Naalackersuisoqarfik, Isumaginninnermut Inatsisinillu Atuutsitsinnermut Naalackersuisoqarfik, Inuussutissarsiornermut, Nukissiuuteqarnermut Ilisimatusarnermullu Naalackersuisoqarfik, Aatsitassanut, Suliffeqarnermullu Naalackersuisoqarfik, Ilinniartitaanermut, Kultureqarnermut, Ilageeqarnermut Naalackersuisoqarfik, Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Isumaginninnermi Naammagittaalliuuteqartarfik, Inuit Pisinnaatitaaffinut Kalaallit Nunaata Siunnersuisoqatigiivi, Inuit Pisinnaatitaaffinut Institutti, Ligestillingsrådet i Grønland, Meeqqat Pisinnaatitaaffinut Sullissvik MIO, Peqatigiiffik Kalaallit Meerartaat, MIBB (Meeqqat Inuunerissut peqatigiiffiat), Sorlak (Kalaallit Nunanni meeqqat inuusuttullu siunnersuisooqatigiiffiat), Tilioq, Inuit innarluutillit illersuisuat, INOOQAT (Kalaallit Nunaanni Ineriartornermikkut akornutillit angajoqqaavisa peqatigiiffiat), Nunatsinni Inuit Innarluutillit Kattuffiat, ISI (Kalaallit Nunaanni tappiitsut isigiarsuttullu peqatigiiffiat), KTK (Kalaallit Nunanni tusilartut kattuffiat), Landsforeningen Autisme – Kalaallit Nunaanni immikkoortortaq, Kattuffik Utoqqaat Nipaat, Angajoqqaatigiit (meeqqanut ADHD-linnut aamma/autismeqartunulluunniit angajoqqaat peqatigiiffiat), Pissassarfik - Inunnut innarluutilinnut Sullissivik Nunamut Tamarmut Atuuqqoq, Neriuffiit Kattuffiat, Kalaallit Nunaanni Innarluutillit Peqatigiiffiat KNIP, SUGISAQ – Tarnikkut eqqarsartaatsikkullu napparsimasut ilaqutaasullu peqatigiiffiat, Kalaallit Røde Korsiat, Sulisitsisut, SIK, Kalaallit Illuutaat Aarhus, Kalaallit Illuutaat Odense, Kalaallit Illuutaat Aalborg, Kalaallit Illuutaat København

Tulliuttut tusarniaassummut akissuteqarsimapput:

Aatsitassanut, Suliffeqarnermullu Naalackersuisoqarfik, Pinngortitamut Avatangiisinullu Naalackersuisoqarfik, Peqqissutsimut Naalackersuisoqarfik, Kommune Qeqertalik, SIK, Kattuffik Utoqqaat Nipaat, KNIPK, Ilinniartitaanermut, Kultureqarnermut, Ilageeqarnermut Naalackersuisoqarfik, Aningaasaqarnermut Naalackersuisoqarfik, Kommuneqarfik Sermersooq, Kalaallit Illuutaat Odense, Inuit Pisinnaatitaaffinut Institutti, Kommune Kujalleq, Isumaginninnermi Naammagittaalliuuteqartarfik, Avannaata Kommunia, Qeqqata

Kommunia.

Ataani taaneqartut oqaaseqaatissaqanngillat:

Aatsitassanut, Suliffeqarnermullu Naalakkersuisoqarfik, Pinngortitamut Avatangiisinullu Naalakkersuisoqarfik, Kattuffik Utoqqaat Nipaata, Ilinniartitaanermut, Kultureqarnermut, Ilageeqarnermut Naalakkersuisoqarfik, Aningaasaqarnermut Naalakkersuisoqarfik, Inuit Pisinnaatitaaffiinut Institutti.

Tusarniaassutinut akissutit:

1. Kommune Qeqertalik

“Tusarniut pillugu: Uunga siunnersuut: Utoqqalinersiaqarneq pillugu Inatsisartut inatsisaata allanngortinnissaa pillugu Inatsisartut inatsisaat nr. xx, xx. xxx 2019- imeersoq

Tusarniut ulloq martsip 17 april 2019 tingusimavarput, maj-ip 15-ani 2019 akineqartussaqaq una pillugu “Utoqqalinersiaqarneq pillugu Inatsisartut inatsisaata allanngortinnissaa pillugu Inatsisartut inatsisaat nr .xx xxx 2019-imeersoq.”

Kommune Qeqertalik tusarniummut imaattumik tapersiiumavoq.

Kommune Qeqertalimmiik tusarniut inatsisissatut allannguutissatut siunnersuut ilalerparput. Uani ilaatigut utoqqalinersiat pillugit siunnersuut soorlu § 5 imm 2-mi allaqqasoqarmat assigiimmik atungassaqartitsineq pillugu. Soorlu utoqqalinersiaqalertoq aappaasoq sulisimappat ilaannakortumik tunineqartarsimasoq massakkut tamakkiisumik peqalernissaa siunnersuutaammat iluatinnartutut isigaarput. Taamaalilluni sullitaq aamma imminut naleqartutut pineqartalissammat allatuulli. Soorlu assersuutigalugu Aasianni sag-eqarnikuuvugut, allatut ajornartumik off. Hjælpemik ikiorsertariaqalernikuullugu, kissarsuutaajarmata isertitai aallaavigalugit. Qularnanngilaq tamakkua siunissami atuutilissappat tamakkua ilaatigut takussaajunnaarumaartut.

Aammalu saniatigut utoqqaat atorluarsinnaanerussagutsigit utoqqalinersiutaat allanngortinnikkaluarlugit suliiinnaartarnissaata “ammaanneqarnerunissaat” uani siunnersuutaammat ilalerparput.

Pissutinut ilanngullugu massakkut utoqqalinersiallit soorlu aasakkut aliikkutaralugu aalisarunik tunioraallutillu, taava illuatungaaniik utoqqalinersiaanniik ilanngaanqartarnerat utoqqarnut iluaallunilu paasiuminaatsinneqartarmat piuumassuseersutitsisarunilu. Soorlutaaq allatut allatut suliaqartut taamatut pinegartartut.

Taamaattumik uani allannguutissani uparuataasinnaasumik soqanngilagut.”

Akissut: Nassuiaatigineqartut tusaatissatut tiguneqarput, siunnersuummilu allanngortitsinissamik tunngavissiatik.

2. SIK

“Utoqqalinersiaqarneq pillugu Inatsisartut inatsisaata allanngortinnissaa pillugu SIK imatut

oqariartuuteqarpoq. (Nanoq – ID nr. 10556096)

Siullermik SIK-p assut nuannaarutigaa kisimiittumut killigititaq 56.000 kroniusoq aammalu aappariinnut killigititaq 83.000 kroniusoq kiisami nikisinniarneqalermata. Tamannalu aamma ugguuna pinngitsoorani sunniuteqassamat: tassa ilaasortagut utoqqalinissaminnut katerserusussiat suli annertunerulissamat, maannakkummi apeqquusiisoqartalermat sooq SISA-mut nakkaatitsissanerlutik, utoqqaliniarsiassatik pisortaniik taama annertutigisumik ilanngaavigineqassappata.

Soorunami kissaatiginaraluarpoq 100.000 kronimiik annertunerusumik qaffaasoqassasoq, taamaattoq taamatut nikeriartoqarnera iluaraarput.

Taamaattoq isumaqarpugut § 10, imm. 3-mut tunngatillugu appariaatissamut siunnersuutiginartoq suli qaffasipallaartoq, taamaammat SIK-p siunnersuutigissavaa 35 procentimut inissinnagu 25 procentimut inissinneqassasoq, kiisalu 22 procenti 12 procentimut inissinneqarluni.”

Akissut: Ilangunneqarsimangilaq. Siunnersuut aningaasanut inatsimmut 2019-imut isumaqatigiissummi utoqqalinersianut ilanngaait appariartortitsinerlu pillugit malittarisassat allanngortinneqarnissaat pillugu aalajangiineq tunngavigalugu suliarineqarsimavoq. Ilangaatit qaffanneqarpata, appariartortitsinerlu appartinneqarpata, taava tamanna ima isumaqarpoq, utoqqalinersiallip saniatigut isertitarisartakkami saniatigut utoqqalinersiani maannakkumut naleqqiullugu annertunerusut tiggummiinnarsinnaalerai.

Taamaattorli SIK-p tusarniaassummut akissutaa § 5, imm. 2 pillugu nutaanik kisitsisoqarnissaanik tunngavissiisimavoq, tassani utoqqalinersialimmu, inummik utoqqalinersiaqarsinnaatitaannngitsumik aappaqartumut, isertitanut annerpaamut killigititaq taamaalilluni 100.000 koruuninik qaffanneqassaaq.

3. KNIPK

“Kalaallit Nunaani Innarlutillit Piginnaanikitsullu Kattuffiata KNIPK-p utoqqalinersiutit allanngortinnissaanut siunnersuut taperserlugu nassiuppaa.

Taperserneranut pissutaavoq KNIPK-p anguniangarimmagu kinaluunniit utoqqalinersiutilik imaluunniit siusinaartumik pensioneqartoq namminerlu isertitaqannngitsooq tamakkiisumik pisartagaqassasoq utoqqalinersiutaappata imaluunniit siusinaartumik pensioneqarpata. Tassami inuttut pisinnaatitaaffigineqarmata inatsisit atuuttut tunngavigalugit.”

Akissut: Nassuiaatigineqartut tusaatissatut tigguneqarput, siunnersuummilu allanngortitsinissamut tunngavissinatik.

4. Kommuneqarfik Sermersooq

1) Kommuneqarfik Sermersuup inatsisissatut siunnersuut tikilluaqquaa, tassami kommunimi pisortat namminersortullu suliffiutaat sulisussanik amigaateqartorujussuummata.

Peqatigitillugu utoqqalinersiallit Kommuneqarfik Sermersuumi aningaasaqarnikkut inissisimanerlunnerpaanut ilaapput. Assersuutigalugu utoqqalinersiaqalersussarpasuit saniatigut suliffeqarnermut pensionisianik katersaqarsimanngillat. Inatsisissatut siunnersuutip eqimattat taakkua nukittorsarnissaanut ilimanaateqartitsivoq.

2) Kommuneqarfik Sermersuumit aaqqissuussinerup assersuutigalugu ukiut pingasut iluanni nalilersoqqinneqartarnissaata inatsisissatut siunnersuummut ilanngunneqarnissaa inassutigineqarpoq. Ilaatigut makku misissuiffigineqassapput:

- inatsit kissaataasutut sulerusussutsimut sunniuteqassava?
- utoqqalinersianut aningaasartuutissatut ilimagineqartut, akileraarutitigullu isertitassat pissusiviusunut naapertuuppat?

Akissut: Nassuiaatigineqartut tusaatissatut tiguneqarput, siunnersuummilu allanngortitsinissamut tunngavissiatik.

Siunnersuutip piffissap aalajangersimasup naleqquttup qaangiunneratigut, assersuutigalugu ukiut pingasut, nalilersoqqittarnissaa siunertaavoq. Nalilersuinermilu ilaatigut ilanngunneqartussaavoq ilumut siunnersuut siunertaasutut sunniuteqarsimanersoq, matumani utoqqalinersiallit akornanni aamma suliffeqartumik aappaqarsimappata aappaannut assigiinnerusumik naliigiissitsilernissaq aamma annerusumik sulerusussuseqalernissaq anguniarlugit.

5. Kalaallit Illuutaat Odense

Siunnersuummut – utoqqalinersialinnut iluaqutaasorujussuunissaata saniatigut oqaaseqaatissaqarpallaanngilagut. Siunnersuut akuerineqassappat inuit aningaasat piinnarlugit Danmarkiliartarunnaarnissaat eqqarsaatigalugu tamanna nuannersuusoq immaqqa oqaatigisinnaavarput.

Akissut: Nassuiaatigineqartut tusaatissatut tiguneqarput, siunnersuummilu allanngortitsinissamut tunngavissiatik.

6. Kommune Kujalleq

”Kommune Kujallerup inatsisissamut siunnersuut oqaaseqaatitai ilanngullugit misissorsimavaa, siunnersuullu akuerineqassasoq kaammattuutigalugu.

Kommunip iluarinartippaa, inatsisissamut siunnersuummi, utoqqaat innuttaasut

aningaasaqarnikkut kingunissaqanngitsumik suliffeqarnermut inuussutissarsiornermullu attaveqaannarsinnaalernerat qulakkeerneqarmat.”

Akissut: Nassuiaatigineqartut tusaatissatut tiguneqarput, siunnersuummilu allanngartitsinissamut tunngavissiatik

7. Isumaginninnermi Naammagittaalliuuteqartarfik

Isumaginninnermi Naammagittaalliuuteqartarfiup allattoqarfia uunga siunnersuummut: Utoqqalinersiaqarneq pillugu Inatsisartut inatsisaata allanngartinnissaa pillugu Inatsisartut inatsisaat nr. xx xxx 2019-imeersumut oqaaseqaateqarsinnaanerminut qujavoq, tamannalu pillugu tusarniaanermut matumuuna akissuteqarniarluni.

§ 2 pillugu

Inatsisartut inatsisaat ullormi 1. januar 2020 atuutilerniarloq atuarneqarsinnaavoq.

Isumaginninnermi Naammagittaalliuuteqartarfiup allattoqarfiata siusinnerusuklut Isumaginninnermut Inatsisinillu Atuutsitsinnermut Naalakkersuisoqarfimmul inatsisit 1. januar atuutilersinnissai ajornartorsiutigineqartartut erseqqissaatigisarsimavaa, tassa pisartakkat siumoortumik tunniunneqartarnerat eqqarsaatigalugu.

Kommunit utoqqalinersianik 1. januar atuutilersussanut naatsorsuisarnerat/iluarsiiisuteqartarnerat pillugu novembarimi decembarimilu aalajangiisarnerat Isumaginninnermi Naammagittaalliuuteqartarfiup allattoqarfiata misilittagaqarfiaa. Utoqqalinersiaqarneq pillugu Inatsisartut inatsisaata allanngartinnissaa pillugu Inatsisartut inatsisaat nr. xx xxx 2019-imeersup aatsaat 1. januar 2020-mit atuutilersussaanera pissutigalugu inatsimmik allanngartitsineq taanna malillugu kommune 1. januar 2020 tikitsinnagu aalajangiisinaanaviangillat. Inatsit suli atuutilersinneqarsimanngitsoq malillugu aalajangiineq Isumaginninnermi Naammagittaalliuuteqartarfiup atorsinnaanngitsutut nalilissavaa.

Taamaammal Isumaginninnermi Naammagittaalliuuteqartarfiup allattoqarfiata siunnersuutigaa, inatsit ikaarsaariarnermi aalajangersagalerlugu 1. januar 2020 sioqqullugu atuutilissasoq, tassanilu allassimassasoq, aalajangersakkat nutaat utoqqalinersiat 2020-mi januarimi, tamatumalu kingornagut tunniunneqartussanut atuutissasut. Taamaaliornikkut kommune utoqqalinersiat naatsorsornissaannut aamma utoqqalinersiat 2020 januarimi tunniunneqartussat pillugit tunniutsinnagit aalajangiinissamut periarfissaqassaaq.

Akissut: Nassuiaatigineqartut tusaatissatut tiguneqarput, siunnersuummilu allanngartitsinissamut tunngavissiatik.

Siunnersuut ullormi 1. januar 2020-mi atuutilissasoq siunnersuutitaqarpoq, ullorlu 1. januar

2020 aallartiffigalugu tunniussaqaarsinnaaneq atuutilissalluni.

8. Avannaata Kommunia

”Utoqqalinersiaqarneq pillugu Inatsisartut inatsisaata allanngortinnissaanut siunnersuutigineqartoq malillugu isumaqataalluta eqqartuilaareernitsinni una allagaq ingerlappara, utoqqalinersiaqartunut aningaasatigut atugassarititaasut pitsanngorsarniarlugit siunnersuutaammat.

Pissutigalugu utoqqalinersiaqarlutik sulerusukkaluarlutik massakut killissarititaasoq saniatigut akissarsiarinissinnaasatik killinga tikileraangamikku sulinertik unitittarmassuk. Uffa suli sulerusukkaluarlutik.

Ilanngaatit qaffanneqarpata utoqqalinersiutilik pilersaaruteqarluni saniatigut sulinissani aaqjissuusinnaalerniassavaa. Tassani ilisimasat utoqqarmi sulisumi atorluarnissaat, aammalu tassunga utoqqalinersiaqalersimasumut peqqitsillugu sulisarnissaanut periarfissiinerussammat.

Sulisussaqaarniarneq suliffeqarfinnut aamma aporfiulertarmat taamalilluni iluaqutaasinnaanissaat uani aamma eqqaaneqarpoq.”

Akissut: Nassuiaatigineqartut tusaatissatut tiguneqarput, siunnersuummilu allanngortitsinissamut tunngavissinatik.

9. Qeqqata Kommunia

”Qeqqata Kommuniata utoqqaat suliffeqartut imaluunniit sulerusuttut atugaannik pitsanngorsaaneq tapersorsorjaa.

Utoqqaat amerlanerusut suliinnartarnissaat kissaatigaarput, taamaalillutillu assersuutigalugu suliaqarlutik sulisinnaassusertik attassinnaagamikku, aamma inuunerminnik naleqartitsinertik kinaassutsiminnillu attassiinnarsinnaammata.

Suliffeqarneq innuttaasunik sulisinnaasunik ikinnerujartuinnartunik inuttalernerqartarpoq, taamaattumik utoqqaat amerlanerit suli suliinnartarnissaat ajunngilluinnarpoq. Unittoortutut misigisimanani, imminnut tatigineq nukittorsarneqarluni iluaqutaasutullu misigisimalluni.

Ataani pineqartut eqqarsarnartoqartippagut:

7. Kinguneqaatit annertuut allat

Utoqqalinersianik allannguinerup ineqarnermut tapiissutit qanoq sunniuteqarfigissavai? Ineqarnermut tapiissutit appartinneqarpata, iluaqutaassutaasoq atorunnaassaaq.”

Akissut: Oqaaseqaatit tusaatissatut tiguneqarput, kisianni siunnersuummik allannguinissamik pissutissaqartitsinngillat.

Utoqqalinersialinnut kisimiittunut aamma inoqutigiinni aappariinnut meeraqanngitsunut, siunnersuut ineqarnermut tapiissutitut tunniunneqartartunut annikitsuinnarmik kinguneqassaaq. Utoqqalinersialinnulli ikittunut, inoqutigiinni meerartalinnut, ineqarnermut tapiissutigisartagaasa annertunerusumik annikinnerulerneranik kinguneqassaaq. Taamaattorli ineqarnermut tapiissutini appariarneq utoqqalinersiaqarnerulernermit imaluunniit suliffimmik isertitaasunit, tak. uunga siunnersuut, iluaqutissartaq minnerussaaq. Sulinermit iluaqut taamaalilluni atorunnaassaaq.

Kommunimut aningaasaqarnikkut kingunerisassai:

Qeqqata Kommuniata kissaatigaa, kommuninut aningaasaqarnikkut kingunerisassat kisinneqassasut aamma assersuusiortoqassasoq, tassami qaffasinnerusumik ilanngaait aamma utoqqalinersianut tapip appasinnerulernerata kinguneratut kommune annikinnerusunik isertitaqalernissaa kingunerissammagu. Tamanna akileraarutit qaffasinnerusunut kommunip pisartagaanut naleqqiunneqassaaq, taamaalilluni aningaasat agguateqqinneqartarnissaat pisariaqalersinnaavoq.

Akissut: Siunnersuut kommunimut aningaasaqarnikkut kinguneqassanngilaq. Siunnersuummut atatillugu kommuninut ataatsimoortumik tapiissutit qaffanneqassapput. Kommune taamaalilluni utoqqalinersianut aningaasartuuteqarnerulernermit matussutissanik aningaasaateqassaaq. Isertitat pillugit kisitsinissamut taakkulu atornissaannut, annertunerusumik sulisinnaalernermit isertitat naatsorsuutigineqartut pillugit eqqoriaanermi nalorninarloq annertuallaaqaaq. Taamaattumik immikkoortoq 3-mi, pisortanut aningaasaqarnikkut aamma allaffissornikkut kingunerisassat, ataani aningaasartuutit amerleriaataannut naatsorsuinerni akileraarutitut isertitassaasinnaasut ilanngunneqarsimannngillat. unerusussat kisinneqarneranni.

Inatsisissatut siunnersuummi aalajangersakkanut ataasiakkaanut oqaaseqaatit*§ 1-imut*

Nr. 1-imut

Siunnersuut § 5-imi, imm. 2 malillugu utoqqalinersiaqartut inummik utoqqalinersiaqarsinnaatitaanngitsumik aappaqarlutik inuusut, utoqqalinersianut tapisiaqartinneqarsinnaasut isertitaasa qaffasinnerpaaffiat, ukiumut katillugit 300.000 koruuninut qaffanneqarpoq. Utoqqalinersianut tapit utoqqalinersiallip aapparisaatalu isertitaanit toqqammaviusumik aningaasartaat 51 pct.-imik, kr. 183.000-nik ilanngaaserlugit, annikillisinneqassapput.

Nr. 2-mut

Toqqammaviusumik aningaasartat ilanngaateqassapput, utoqqalinersiaqartup ukiumut isertitai maanna atuuttut, utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat ilanngunnagit, kr. 368.286-nit qaangerneqarsimappata.

Nr. 3-mut

Aalajangersakkami aalajangersarneqarpoq isertitanit toqqammavigineqartunit utoqqalinersiat toqqammaviusumik aningaasartaat 40 pct.-imik annikillisinneqassasut, kr. 368.286-inik ilanngaaserlugit.

Nr. 4-mut

Aalajangersakkami utoqqalinersiaqartumut kisimiittumut ilanngaat kr. 156.000-iussasoq aalajangersarneqarpoq.

Nr. 5-imut

Aalajangersakkami utoqqalinersiaqartumut aappaqartumut ilanngaat kr. 183.000-iussasoq aalajangersarneqarpoq.

Nr. 6-imut

Aalajangersakkami utoqqalinersialinnut tapeq isertitat tunngavigineqartut 35 pct.-iannik, kisimiittumut kr. 156.000-t ilanngaatigalugit appartinneqassasoq aalajangersarneqarpoq. Utoqqalinersialinnut tapeq utoqqalinersialimmuut aappaqartumut kr. 183.000-t ilanngaatigalugit isertitat tunngavigineqartut 22 pct.-iannik appartinneqassaaq.

Nr. 7-imut

Aalajangersakkami aalajangersarneqarpoq meeraq pisortanit angerlarsimaffiup avataanut inissinneqarsimappat meeqqamut tapeq atorunnaartuq. Meeqqanut inuusuttunullu ikiorsiisarneq pillugu Inatsisartut peqqussutaat Meeqqat tapersorsorneqarnissaannut

Inatsisartut inatsisaata nr. 20, 26. juni 2017-imeersup ulloq 1. juli 2017-imi atuutilerneratigut atorunnaarsinneqarmat, meeqqat Inatsisartut inatsisaata atuutilernerata kingorna angerlarsimaffiup avataanut inissinneqartut Inatsisartut inatsisaanni nutaami piginnaatitsissut atorlugu inissinneqartassapput. Taamaakkaluartorli meeqqanut inuusuttunullu ikiorsiisarneq pillugu Inatsisartut peqqussutaat malillugu meeraqartussaammat inissinneqarsimasunik aalajangersakkami inatsisit marluutillugit eqqaaneqarput.

§ 2-mut

Siunnersuutigineqarpoq Inatsisartut inatsisaata tamanut saqqummiunneqarnerata aqaguani atuutilersinneqassasoq. Inatsisartut inatsisaat 1. januaari 2020 aallarnerfigalugu utoqqalinersiat tunniunneqartarnissaannut atuutsinneqassaaq.

Aalajangersagaq ima oqaasertalerneqarsimavoq, Inatsisartut inatsisaat decembari 2019-imi atuutilersinneqarsinnaangorlugu, taamaalillunilu utoqqalinersianik iluarsiiisuteqartarneq pillugu 1. januaari 2020-mi atuutilissalluni.